

# **К ОПУБЛИКОВАНИЮ**

## **КОМИ РЕСПУБЛИКАЛӨН ОЛАНПАС**

### **«Коми Республика мутасын автомашина транспортөн олысьясөс транспортөн могмөдөмсö котыртан өткымын юалөм йылысь» Коми Республикаса Оланпасö вежсьöмьяс пыртөм йылысь**

Примитöма Коми Республикаса  
Каналан Сöветөн

2024 вося сора тöлысь 25 лунö

**1 статья.** Пыртны «Коми Республика мутасын автомашина транспортөн олысьясöс транспортөн могмөдөмсö котыртан өткымын юалөм йылысь» Коми Республикаса Оланпасö (Коми Республикаса канму власьт органъяслөн индöд-тшöктöмьяс, 2016, 17 №, 235 ст.; 2018, 17 №, 294 ст.; 2021, 17 №, 301 ст.; 2023, 4 №, 55 ст.) татшöм вежсьöмьяс:

1. Водзкывсö гижны тадзи:

«Тайö Оланпасыс ладмөдö карса, карбердса да каркостса туйясын пассажирьясöс да туй көлуй автомашина транспортөн пыр өткодя новлөдлөмсö (водзö – пыр өткодя новлөдлөм) да заказ серти пассажирьясöс да туй көлуй новлөдлөмсö котыртан юкöнын өткымын юалөм сы могысь, медым Коми Республика мутасын лöсьöдны пассажирьясöс да туй көлуй автомашина транспортөн бура, безопаснöя да судзяна ногөн новлөдлөмсö могмөдөм серти условиеяс (водзö – олысьясöс транспортөн могмөдөм).».

2. 2 статьяса 4 пункт гижны тадзи:

«4) пыр өткодя новлөдлөм вылö öтувья транспорт гөгöртас лöсьöдöм;».

3. 4 статьяса 1 юкöнын:

1) 9<sup>1</sup> пунктö «пыр өткодя новлөдлөмсö» кывьяс водзö содтыны «муниципалитеткостса маршрутъястi» кывьяс;

2) 12 пунктын «муниципалитеткостса маршрутъястi» кывьяс вежны «муниципалитеткостса пыр өткодя новлөдлан маршрутъястi» кывьясөн;

3) 12<sup>2</sup> пункт киритны;

4) 17<sup>1</sup> пункт гижны тадзи:

«17<sup>1</sup>) Коми Республика мудорьясын сувтлан пунктъяс урчитöм, кутшöмьяс меститчöны автовокзальяслөн да автостанцияслөн мутасьясысь бокын, кутшöмьясөн позьö вöдитчыны дiнмукоствса пыр өткодя новлөдлан маршрутъястi;»;

5) содтыны татшöм сюрöсса 17<sup>6</sup> пункт:

«17<sup>6</sup>) муниципалитеткостса пыр өткодя новлөдлан маршрутti новлөдлөм йылысь эскöдангижöдлысь дубликат да татшöм маршрутса карталысь дубликат сетан пöрадок урчитöм;».

4. 5 статья гижны тадзи:

**«5 статья**

Муниципалитеткостса пыр өткодя новлөдлан маршрутъяслөн реестрö Федеральнöй оланпаслөн 26 статьяса 1 юкөнөн урчитöм төдмөгъяс кындзи пыртöны муниципалитеткостса пыр өткодя новлөдлан маршрутъяслысь схемаяс.».

5. 6 статья киритны.

**2 статья.** Тайö Оланпасыс вынсялö сійöс официальнöя йöзöдан лун бöрын дас лун кольöм мысти, тайö Оланпаслөн 1 статьяса 3 пунктын 3, 4 да 5 пунктувъяслөн, 4 да 5 пунктъяслөн положениеяс кындзи, кутшöмъяс вынсялöны 2024 вося кöч тöлысь 1 лунсянь.

Коми Республикаса Веськöдлан котырлы лöсьöдны ассьыс нормативнöй инöда актъяссö тайö Оланпас серти.

Коми Республикаса Юралысь

В.В. Уйба

Сыктывкар

2024 вося сора тöлысь 29 лун

51-РЗ №